

أنا يا يسوع

أنا يا يسوع أنا أنا الخاطي
جيت لك بالدموع اسجدك وأطاطي
أنا ذنوبي كثيرة وحياتي شريرة
أنا أنا الخاطي

+++

أبليس عمال يجرى ورايا يجرى ليل ونهار
بيحلى الدنيا فى عيني ويزين لى النار
يا يسوع احمينى من ايده نجينى
أنا أنا الخاطي

+++

أنا رغم انى دايمًا عاصى تعطف برضه علي
وقلبي مهما يكون قاسى قلبك فيه حنيه
سامحنى ياربى واغفر لي ذنبي
أنا أنا الخاطي

+++

من حبك وحنانك لي بدمك جيت تفدينى
وتحملت كل أسية عشان انت شارينى
يا يسوع يا حبيبى انت عز نصيبى
أنا أنا الخاطي

+++

لا تغلق باب بيعتك فى وجهى ياربى
أنا عشان فى رحمتك تغفر لي ذنبي
ضمد لي جروحي وانعش لي روحي
أنا أنا الخاطي

+++